



行素州堂金石叢書

103/12

6.04 /
899
部 = 5





集古錄目卷三

槐廬叢書

宋廬陵歐陽棐叔弼撰 吳縣朱記榮重校刊

唐郭敬之墓碑

侍中苗晉卿撰中書侍郎平章事蕭華書敬之字敬之華州鄭縣人官至壽州刺史以子子儀追贈太保碑以肅宗元年建寅月立

唐遍學寺碑

黃門侍郎韋承慶撰太子詹事越國公鍾紹京書將仕郎阮宏靖建禪院於遍學寺以開元二年立此碑

案寺在襄陽縣

唐崔慎碑

紫薇侍郎蘇頲撰慎孫太常博士璿八分書慎字行
謹博陵安平人官至滄州湖蘇令其孫煜神龍中爲
中書令追贈慎幽州刺史碑以開元三年立

唐葉國重碑

松楊令李邕撰并書國重道術之士字雅鎮號有道
先生南陽葉縣人碑以開元五年三月立

唐建福寺三門頌成碑

中書舍人盧藏用撰前華州鄭縣尉吳光璧集王羲
之行書寺在滑州酸棗縣開元中寺僧增葺之并建
三門初成故曰頌成碑以開元五年五月立

唐葉慧明碑

松楊令李邕撰國子監太學生韓擇木八分書慧明
字道昭南陽人隱居學道元宗時子法善以道術顯
追贈慧明歙州刺史碑以開元五年七月立

唐懷素律師碑

國子司業崔融撰安國寺沙門行敦集王羲之書懷
素西崇福寺僧也姓范氏長安人碑以開元六年二
月立

唐魏叔瑜碑

荊州大都督府長史燕國公張說撰叔瑜次子安州
都督華書叔瑜字思瓘鉅鹿下曲陽人太尉文貞公
徵之子官至豫州刺史碑以開元六年五月立

唐竇希城碑

著作佐郎李湛然撰陝王府司馬魏華書希城字美玉扶風平陵人官至太子少傅贈司空碑以開元六年十月立

唐韋維碑

汝州刺史崔日用撰國子監丞郭謙光八分書維字文紀京兆杜陵人官至太子右庶子碑以開元六年立

唐王行碑

著作郎楊齊哲撰吏部常選南朝馮令書行之字缺譌不可辨太原人官至伊州納職令碑以開元七年

五月立

唐竇忠仁碑

國子祭酒徐堅撰八分書不著名氏忠仁字恕扶風平陵人官至相州刺史碑以開元八年立

唐李思訓碑

族子邕撰并書思訓字建隴西狄道人西涼昭武皇帝之後官至右武衛大將軍諡曰昭碑以開元八年立在蒲城縣

唐神德寺碑

八分書不著書撰人名氏神德寺故後魏之會同寺也唐垂拱三年有司奏自華原之石門山徙於神德

城北魏龍華寺故基碑以開元八年立

唐盧懷慎碑

禮部尚書蘇頌撰元宗八分書懷慎字懷慎范陽人官至黃門監諡曰文成碑以開元八年立

唐大雲寺碑

海州刺史李邕撰并書寺舊謂之確師禪房僧慧藏增葺之碑以開元十二年四月立

唐立陶隱居碑

梁邵陵王綸撰隸書不著名氏隱居名宏景字通明丹陽秣陵人齊末為宜都王侍讀棄官隱居句曲山中自號華陽隱居終於梁武帝時贈中散大夫諡曰

貞白碑額曰梁貞白先生陶隱居碑在茅山案復齋碑錄開

元十二年九月立

唐文蕩律師塔碑

前河南告成尉盧奐撰著作郎魏栖梧書律師姓藥氏河南密縣人開元十三年十月弟子一智為之建塔立此碑在陽翟縣

唐華嶽碑述聖頌

京兆府富城尉達奚珣撰敘右補闕集賢殿學士呂尚撰頌并書元宗御製御書華嶽廟碑建於廟中珣等遂作此頌以開元中立

唐西嶽大洞張尊師碑

王延齡撰李慈書尊師名敬忠字誠華陰盟東里人
爲西嶽雲臺宮主碑以開元十四年四月立

唐端州石室記

李邕撰并書端州刺史畢守恭與僚佐游於石室爲
此記以開元十五年正月立

唐重修梁公堰碑

汜水主簿趙居貞撰縣令王象書梁公堰者隋開皇
中華陽梁睿所修故以爲名依山鑿堰以河水通運
路中間改其舊制別起渠口當河衝立石柱以灑水
旣成遽填塞不能通開元十五年勅將作大匠范安
復其故迹作此銘碑以是年二月立

唐盧舍那珉像碑

趙僕撰蔡有鄰八分書珉像定州刺史張嘉貞所造
碑以開元十六年二月立

唐張說題元宗御書記

集賢院學士張說題元宗所書碑御製御書字并年
月記及模泐刻字人姓名後有開元十六年將幸溫
泉親詣大慧禪師塔所口勅檢校立碑使朱敬宣作
記然則說所題者禪師塔碑也

唐一行禪師碑

明皇撰并八分書禪師姓張氏名遂後爲沙門諡曰
大慧碑以開元十六年立

唐高祖駐馬佛堂碑

渭南縣典法寺僧貞慶撰并八分書高祖武德二年嘗幸渭南至大韓村其父老以爲榮立佛像於其地謂之駐馬堂歲久碑記缺落開元十七年村人韓祚等重建

唐蕭瓘碑

尚書左丞相張說撰梁昇卿八分書明皇以八分書題額瓘字元茂南梁蕭譽之後官至渝州長史子嵩爲尚書令贈瓘吏部尚書碑以開元十八年五月立唐馮君衡碑

尚書左丞相張說撰中書令鍾紹京書君衡長樂人

子力士爲冠軍大將軍追贈君衡廣州都督碑以開元十八年立

唐裴行儉碑

右丞相張說撰裴瓘書行儉字約河東聞喜人官至禮部尚書全身道大總管諡曰憲追贈太尉碑以開元十八年立在聞喜縣

唐裴大智碑

滑州刺史李邕撰司缺員外郎蕭誠書大智河東人官淄川令碑以開元十九年十一月立在濟源縣

唐支提龕記

陳留蔡景撰不著書者名氏支提龕者鄴城僧義紉

乾壽建三尊真容而作并附二僧道行記於後碑以
開元十九年立

唐楊厯碑

陳州刺史李邕撰敘厯義男前中書令鍾紹京撰銘
并書厯字晔本姓蘇氏其子思勛爲宦者姓楊氏因
亦改厯姓思勛爲輔國大將軍贈厯虢州刺史碑以
開元十九年立其後具載義姪高力士義男王守麟
等官爵

唐華嶽真君碑

華陰丞陶翰撰韋騰書元宗開元十九年加五嶽神
號曰真君初建祠宇立此碑

唐馮昭泰碑

隸王洽撰中書舍人內供奉梁昇卿八分書昭泰字
遇聖官至括州刺史諡曰誠後以其子紹烈贈爲工
部尚書此其寢廟碑也元宗親爲題額加諡誠節碑
以開元二十一年立

唐請立馮昭泰碑表

昭泰子紹正等請立廟碑表梁昇卿八分書并墨詔
同刻散騎常侍陸堅題額

唐景陽樓下井欄銘并記

開元二十一年三月江寧丞王震重刻陷煬帝銘并
自爲記八分書不著名氏

唐立五殺大夫碣

不著撰人名氏鄭璉書據碑因過五殺大夫墓作此
銘以開元二十三年六月立

唐華山石闕題名

自開元二十三年鄭虔題名爲首後二百一年至後
唐清泰二年戶部侍郎楊凝式而止其間無年月日
時世者悉列於後總五百一人在華嶽廟中

唐盧奐廳事讚

元宗御製御書帝西幸過陝府至奐廳事題讚於其
壁奐以刻石并謝表批答附於後碑以開元二十四
年十月立

唐裴光庭碑

中書令集賢院學士張九齡奉勅撰元宗御書侍中
裴耀卿題御書字兵部尙書同中書門下三品李林
甫題額諫議大夫褚庭誨摹勒光庭字連城河東聞
喜人官至侍中封正平郡公贈太師諡忠獻碑以二
十四年十一月立在聞喜縣

唐元宗御注道德經

經元宗書注皇太子紹及慶王宗等奉勅書初開元
二十四年元宗已注道德經道士司馬秀等奏請兩
京及天下應修官齋等州造立石臺刊勒經注宏農
太守趙冬曦立在閩鄉縣

唐立道德經臺奏答

元宗注道德經成道士司馬秀等請立經臺奏謝批
答及皇太子紹慶王琮等十八人列名皆附刻於經
臺開元二十五年立

唐禹廟題名

陝州別駕崔穎等題名八分書不著名氏開元二十
五年刻

唐懷道闍黎碑

括州刺史李邕撰并書闍黎姓陳氏爲福州愛同寺
僧碑以開元二十五年七月立

唐元覽律師碑

工部侍郎徐安貞撰諫議大夫褚庭誨書法師庭誨
之諸父也爲杭州華嶽寺僧碑以開元二十五年八
月立

唐智遠律師塔碑

前進士啖彥珍撰集賢院書手陳瓌書律師姓睦氏
趙郡人爲長安西明寺臨壇上座碑以開元二十五
年立

唐王仙公廟記

岑均撰參軍高重明書仙公者漢葉令王喬也縣人
舊以姓名稱其廟葉令史惟清改曰仙公碑以開元
二十五年立在葉縣

唐萬回神迹記

右散騎常侍徐彥伯撰太子右內率府錄事參軍集賢院學士史惟則八分書萬回姓張氏據記沙門元奘嘗西遊天竺有寺空其一室問其人曰是僧方生於中國其號萬回蓋自此而往者萬回矣萬回言語悲喜不常如狂者所爲多異高宗延之禁中中宗號之曰元通大居士封法雲公元宗爲營居室於醴泉里後追贈司徒封號國公碑以開元二十五年萬回弟子沙門還源立

唐立周尉遲迴廟碑

前華州鄭縣尉閻伯璵撰敘祕書省校書郎顏真卿撰銘蔡有鄰隸書迴字居羅代人爲相州總管贈太師周末隋文帝秉政迴舉兵不克而死唐武德中改葬復其封爵開元二十六年相州刺史張嘉祐爲之立廟建碑以是年正月立

唐李造遺愛碑

中書舍人梁陟撰監察御史集賢院修撰徐浩書造唐之宗室自濟源令人爲起居舍人此頌濟源人所作碑以開元二十六年十一月立

唐石像文并陰

延州別駕唐炎撰不著書人名氏顯慶中炎之祖季卿爲延州刺史造石龕立三佛像開元中炎復爲州

別駕加以鐫飾以開元二十七年立此碑并碑陰題名

唐小字道德經

明皇注八分書不著名氏開元二十七年立

唐李涇德政碑

河中猗氏丞盧炅撰吏部常選張休名缺書絳州夏

縣令李涇之德政碑也涇字涇缺縣名人碑以開元二

十七年立在夏縣

唐開元寺碑

淄州刺史李邕撰并書寺本隋建名曰正等唐初改

曰大雲中宗初沙門元沼重修又改曰神龍寺元宗

親書額改爲開元碑以開元二十八年七月立

唐田琬德政碑

中書侍郎集賢院學士徐安貞撰蘇靈芝書琬字正

勤自易州刺史遷安西都護此易州人所立德政碑

也以開元二十八年十月立

唐楊仲昌碑

尚書左丞席豫撰鄔繇篆書缺六字與神道碑同開元

二十八年立在閩鄉縣

唐臧懷亮碑

陳州刺史李邕撰并書懷亮字明時東莞莒人官至

左羽林大將軍碑以開元二十九年立在三原縣

唐候臺記

前左監門率府兵曹參軍梁德裕撰蘇靈芝書候臺者古燕國望雲氣之所也後人因其故址立臺以備遊宴易州刺史郭明肅於其四壁畫郭隗劇卒孝子烈婦等像碑以開元二十九年十月立

唐令長新誠

元宗御製初元宗擇令長一百六十三人又自製新誠宰相裴耀卿等請令集賢院善書者書以賜之其後諸縣往往刻石

案此刻不知所在又河內虞城舞陽皆有是刻

又

開元中縣令徐抗所刻太室山人劉飛書在穰縣

又

開元中汜水令馮宴所刻後歲久以為柱礎寶歷二年縣令崔潏移置於廳事

唐石門湯泉記

太子通事舍人李幼卿撰太僕寺主簿文學直集賢院修書衛包八分書并篆額唐初有沙門空藏者居藍田山中方大雪山谷間有氣上蒸發石而湯泉出其下開元中勅給事中楊營葺之增其室宇立此碑

唐韓公井碑

不著書人名氏八分大書三字曰韓公井其記真書舊傳并有靈人不敢汲採訪使韓朝宗酌而飲之由

是汲者無患故以爲名碑以開元中立在宣城縣

唐桐柏觀碑

祠部郎中崔尙撰翰林院學士慶王府屬韓擇木八分書明皇題額天台山有廢道宮相傳以爲晉葛元所居天寶初詔建爲桐柏宮道士司馬子微營而成之碑以天寶元年三月立

唐韓賞祭華嶽文

右補闕韓賞撰諸王侍書榮王府司馬韓擇木八分書自陳其志以忘身憂國爲己任以盟於神天寶元年四月立在華嶽廟

唐立漢樊噲祠堂碑

校書郎王利器撰集賢院待制史惟則八分書前京兆府司錄徐浩篆額舞陽令張紫陽等修廟記也碑以天寶二年十月立在舞陽縣

唐薛仁貴碑

著作郎宏文館學士苗神客撰仁貴元孫左領軍衛兵曹參軍伯疑書仁貴名禮以字行河東汾陰人官至明威將軍代州都督碑以天寶二年立在安邑縣唐小魯真人仙解謠

唐國清撰進士程錫書真人名成字和光年八歲及

其兄希言皆爲道士於奉仙宮此碑止見其半不見

所終及立石年月在濟源縣

案金石錄天寶三載七月立

唐豆盧建碑

衛尉卿駙馬都尉張珀撰諸王侍書榮王府司馬韓擇木八分書并額建字立言河南人尙元宗女建平公主官至太僕卿駙馬都尉碑以天寶三載七月立唐玉眞公主仙居臺碑

山人韓休撰八分書不著名氏天寶二年勅玉眞公主投龍五老山常居此臺碑以四載立

唐河東郡裴夫人誌

不著書撰人名氏左衛中郎李從一之妻封河東郡君碑以天寶四載立

唐宋公神道碑

中書舍人孫逖撰河南府陽翟尉集賢校理御書史惟則八分書宋公名字缺亡而碑不著其鄉里官至延州刺史碑以天寶四載立在梁縣

唐貪泉銘

南海別駕陳元伯撰嶺南黜陟判官薛希昌倒薤篆書天寶五載四月立

唐吏隱山記

李陽冰殘碑凡數百年雖首尾不完文字缺滅而歷可讀其間多述山水景物其最後曰名之曰吏隱山又曰時唐百二十九載以歲次推之則天寶五載也

唐洪福寺彌勒石像碑

同官主簿韓滉撰并書集賢院學士衛包題額彌勒石像者長安中縣令趙貞等造寺僧圓證重修碑以天寶五載立在同官縣

唐尹仁恕闕文并旌表記

不著書撰人名氏闕文凡十二字曰大唐孝子四葉旌表尹仁恕闕其後有記仁恕曾祖養伯字嗣宗祖怱字守忠父慕先字冬筠仁恕字南金皆以孝行被旌表仁恕闕以天寶五載立在襄陽縣案集古錄作二年旌表金石錄作張柬之撰天寶五載立蓋文撰於武后時碑立於元宗時也

唐尹氏孝德記

吏部尚書同中書門下三品張柬之撰不著書人名氏怱字守忠襄陽人事親居喪皆以孝稱貞觀龍朔中再有詔褒美旌表門閭碑以天寶五載立

唐貞一先生廟碣

左威衛錄事參軍衛憑撰右監門衛兵曹參軍薛希昌八分書貞一先生者道士司馬子微也字承禎法號道德又自號白雲先生明皇置陽臺宮於王屋山以處之追謚貞一其從子綱因所居立以為廟碑無

所立年月案金石錄天寶六年七月立

唐房瑄遺愛頌

監察御史平冽撰河陽令徐浩書瑄字次律清河人

嘗爲濟源令測作頌時瑄爲給事中碑以天寶七載
二月立

唐乘眞禪師靈塔碑

長子主簿王雄風撰胡霈然書并篆額禪師姓林氏
陸渾人景龍二年爲陸渾山圖以獻中宗自書寺石
曰兜率以賜之及其卒衛尉卿崔從禮之妻李氏得
其舍利起塔藏之碑以天寶七載八月立

唐楊宏慶造舍利塔碑

劉慎和撰王進書宏慶宏農人以開元七年造銅盂
蘭盆及舍利塔佛像等天寶七載立此記宏慶等題
名附

唐祠三清文

明皇撰并書天寶七載立在茅山

唐美原夫子廟碑

行美原令王巖撰并書天寶中初尊夫子爵爲王碑
以天寶八載立在美原縣

唐雲臺觀金籙齋頌

衛包撰并書字爲古文元宗自開元中每歲之千秋
節設金籙齋於華嶽雲臺宮碑以天寶九載四月立
唐雲臺三方功德頌

右補闕內供奉集賢院修書衛包撰并書字爲古篆
據碑天寶中詔書功德於華山雲臺宮并安御容重

集古錄目錄卷三
三
飾金天王廟前御製碑而作此頌以天寶九載四月立

唐徐筠碑

大理評事陶翰撰翰林待詔左衛率府兵曹參軍蔡有鄰八分書筠字南美東海人也垂拱中官至禮部尚書碑以天寶九載立

唐嶽廟古松詩

韋元志撰右補闕集賢院學士衛包古篆書天寶九載立

唐華陽頌

梁貞白先生陶宏景撰不著書人名氏天寶九載紫

陽宮主劉行矩等刻石

唐商餘操

蘇預撰韓擇木八分書預友元結隱居教授於商餘之肥溪預爲作此辭預時爲河南令自號中行子碑不載立石年月在魯山縣案顏真卿撰元結墓表稱中行子蘇源明源明當是蘇預之字結隱居商餘在天寶十二載舉進士之前

唐章仇兼瓊碑

檢校倉部郎中馮用之撰左衛率府兵曹參軍集賢院待制蔡有鄰八分書兼瓊字兼瓊魯郡任城人官至戶部尚書殿中監諡曰忠碑以天寶十載立

唐春申君廟碑

吳郡太守江東採訪等使趙居貞撰前廣陵大都督
府戶曹參軍集賢院待制史惟則八分書并篆額吳
郡有春申君故宮後人因以爲廟俗譌謂之城隍神
居貞廣其制度更易塑像以朱英配饗改名曰黃相
廟碑以天寶十載立

唐放生池碑

襄陽太守山南東道採訪使李愷撰八分書不著名
氏天寶十載愷以城下漢水爲放生池立此銘不著
年月

唐放生池石柱銘

不著書撰人名氏天寶十載李愷爲襄陽太守父老
李君秀等請以襄陽臨溪兩縣江水近城者爲放生
池止人漁釣立石柱於東西境上以表之因以君秀
等狀及州符刻於柱上

唐能大師碑

兵部侍郎宋鼎撰河南陽翟丞史惟則八分書大師
姓盧氏南海新興人居新興之曹溪天寶七載其弟
子神會建碑於鉅鹿郡之開元寺

案金石錄天寶
十一載二月立

唐神德寺彌勒閣碑

杜鼇撰馬順書彌勒閣者開元中沙門會覺所立天
寶十一載馮翊張祥德重建碑以十二載立在華原

縣

唐薛悌碑

國子司業蘇預撰武部郎中徐浩八分書悌長蘆人
中宗時為雍州司兵參軍坐魏元忠黨流死袁州天
寶中子伯成為咸寧令追贈悌文部郎中
案金石錄天寶十三載二月立

唐東方先生畫贊

晉散騎常侍夏侯湛撰唐平原太守顏真卿書初開
元八年德州刺史韓思復以贊刻於朔廟後真卿為
太守文已殘缺遂以天寶十三載二月重立此碑

唐畫贊碑陰記

顏真卿撰并書及題額真卿既易舊碑因記其事跡

年月刻在畫贊之陰

唐貞順皇后武氏碑

元宗御製并八分書太子亨題額后姓武氏晉陽人
終於惠妃追謚曰貞順碑以天寶十三載四月立

唐元儼律師碑

前祕書省正字萬齊融撰武部郎中徐浩書律師姓
徐氏諸暨人居越州法華寺碑以天寶十五載六月
立

唐讀樊丞相傳詩

河陰尉鄭昞之撰安定胡霈然八分書不著年月
案承

相漢樊
會也

唐孫志直碑

禮部尚書裴大淹撰太子少保致仕韓擇木八分書志直字無亮河西姑臧人嘗爲鳳翔尹隴右四鎮節度使封晉昌王罷以本官奉朝請待制集賢院議軍國事自營其墓而立此碑無所刻年月

唐興唐寺石經藏贊

石經藏者開元中長安興唐寺僧所立東都白馬寺主嗣安爲敘隸書無名氏禮部尚書席豫等爲贊其間蔡有鄰八分書者二顧誠奢真書者一翰林待詔張綦八分書者二其餘三人闕姓名又其餘皆不著書人名氏或作者所自書也碑以天寶中立

唐盧僎德政碑

太子正字闔寬撰伊闕尉集賢院待制史惟則八分書僎字守成范陽人爲襄州長史此蓋去思碑也碑字殘缺不見所立年月

案金石錄天寶中立

唐獨孤冊遺愛頌


江夏太守李邕撰蘭陵蕭誠書冊字伯謀河南人嘗爲襄州刺史此碑襄人所立也石爲四面其兩面剝缺不可讀不知所立年月

案金石錄天寶中立

唐題寶林寺詩

會稽公徐浩撰并書

集古錄目卷三終



集古錄目卷四

槐廬叢書

宋廬陵歐陽棐叔弼撰 吳縣朱記榮重校刊

唐元宗登逍遙樓記

元宗御製并八分書太常卿姜皎書年月蒲州刺史
王嶼以詩刻石請御書碑額表一蒲州刺史顏真卿
書答詔肅宗書以乾元元年立

唐城隍廟記

縉雲令李陽冰撰并篆書陽冰禱廟而雨因移建於
山上碑以乾元二年八月立在縉雲縣

唐崇綯法師碑

扶風司馬裴泂撰開元寺僧缺其名書驃騎大將軍高

力士題額崇絢姓趙氏爲開業寺主碑以乾元二年立

唐立王粲石井欄記

節度參謀甄濟撰襄州判官彭朝儀書魏侍中王粲故宅在襄陽其石欄至唐猶存上元二年山南東道節度使來瑱移之於刺史官舍碑以上元二年七月立

唐重修文宣王廟記

李陽冰撰并篆書陽冰爲縉雲令重修孔子廟堂碑以上元二年七月立

唐忘歸臺銘

李陽冰撰并篆書無刻石年月

唐阮客舊居記

李陽冰撰并篆書阮客隱者也無刻石年月以上三碑皆在縉雲縣

唐路嗣恭遺愛表

考功郎中知制誥蘇源明撰不著書人名氏嗣恭字嗣恭平陽人初名劒客開元中歷數縣令皆有能名明皇以爲可嗣漢魯恭故賜此名復歷渭南令至朔方留後上元二年渭南人爲立此表

唐顏允南碑

碑不見其首尾考其字畫與所敘述蓋顏真卿所撰

并書其兄國子司業允南之碑也

唐雍王遊三門記

元帥府判官裴徽撰行軍司馬李進書雍王題額代宗廣德初雍王适為天下兵馬元帥東討史朝義師還次陝因登三門問從官以古今興亡治亂之迹作此記廣德二年刻在三門

唐郭敬之廟碑

刑部尚書顏真卿撰并書代宗御題額敬之鄉里官階見前錄墓碑此其廟碑也以廣德二年十一月立

唐西林寺題名

顏真卿書永泰丙午六月題案魯公又有東林寺題名同時立寶刻叢編未

引此條

唐李氏三墳記

李季卿撰李陽冰篆書季卿改葬其兄普安郡戶曹參軍曜卿字華金城尉叔卿字萬朝邑簿春卿字榮凡三墳碑以大曆二年立

唐王仁忠碑

江夏太守李邕撰都水使者集賢院學士史惟則八分書仁忠字揖太原祁人官至左千牛衛將軍永泰中以子窋贈太常卿碑以大曆三年立

唐王延昌碑

兵部郎中邵說撰廣州都督徐浩八分書延昌京兆

人官至吏部侍郎集賢院待制碑以大曆三年立

唐元靖先生碑

祕書郎柳識撰大理司直張從申書李陽冰篆額元靖先生茅山道士李含光也碑以大曆四年八月立

唐良吏記

大理司直攝監察御史陳簡甫撰大理司直陳太二

字宣州刺史陳碑不著名采開元以來州之良吏刺史裴

耀卿兼江西採訪使班景倩竹承構裴敦復刺史李

偁司功參軍張邈凡六人刻石爲之記偁嘗爲涇縣

令終於宣州長史廣德初浙中盜起過宣州者皆相

戒不入其閭討擊使以聞贈宣州刺史碑以大曆四

年立

唐傅說廟碑

侍御史內供奉楊麟撰夏縣尉宗正卿缺姓名八分書

大曆四年立在夏縣

唐杜鴻漸碑

中書侍郎平章事元載撰門下侍郎平章事王縉書

鴻漸京兆杜陵人位至門下侍郎平章事封衛國公

贈太尉卒諡文獻碑以代宗初立不著年月案鴻漸卒於大

曆四年

唐臧懷恪碑

撫州刺史顏真卿撰并書懷恪字貞節東莞人官至

右武衛大將軍贈工部尚書碑以開元十二年立在

三原縣案開元十二年懷恪卒非立碑時也顏魯公刺撫州在大歷間

唐顏含大宗碑

晉顏含十四世孫撫州刺史真卿撰并書真卿罷撫州過含墓因敘含而下十五世子孫名字事迹立此碑以大歷六年十一月立

唐楊仲昌後碑

檢校禮部尚書席豫撰太子少保致仕韓擇木八分書仲昌字曼開元中官至吏部郎中碑以大歷六年追立在閩鄉縣

唐立顏含碑

晉江夏李闡撰傳含曾孫宋光祿大夫延之銘十四世孫前撫州刺史真卿書含字宏都瑯琊臨沂人東晉初官至右光祿大夫封西平侯諡曰靖此銘舊有刻石大歷七年四月真卿重建

唐程元英碑

北海太守李邕撰黃門侍郎張延珪八分書元英字文繹廣平人官至桂州都督府長史贈祕書監碑以大歷七年五月立

唐宋璟碑

撫州刺史顏真卿撰并書璟字子缺一邢州南和人官至尚書右丞相封廣平公諡曰文貞碑以大歷七

年九月璟孫儼追建

唐德宗題陝州佛堂院壁詩

不著書人名氏德宗爲雍王時出爲天下兵馬大元帥至此留題大曆七年陝虢觀察使皇甫溫刻

唐令狐彰開河碑

中書侍郎平章事元載撰尙書吏部侍郎徐浩書并篆額先是河至酸棗瀕縣而東失其故道尙書右僕射霍國公令狐彰開之碑以大曆八年正月立

唐薛嵩碑

禮部郎中程浩撰梁州都督府長史翰林待詔韓秀實八分書嵩楚玉之子也初爲史思明將朝義敗以

其地降卽拜昭義軍節度使封平陽郡王碑以大曆八年立在夏縣

唐滑臺新驛記

滑毫節度使李勉撰李陽冰篆書勉使同州別駕裴萬增廣驛舍以大曆九年八月立此碑於驛中

唐臧氏糾宗碑

湖州刺史顏真卿撰并書臧氏東莞人自唐初靈州都督寵而下至京府參軍叔清族系名字官闕悉載於碑不著所刻年月在三原縣

唐于祿字書

濠州刺史顏元孫撰姪湖州刺史真卿書初元孫以

字書分四聲定爲正通俗三體真卿以大曆九年正月刻石於湖州

唐放生池碑

昇州刺史浙西節度使顏真卿撰并書肅宗乾元二年使驍衛郎將史元琮詔天下自山南至浙西七道臨江置放生池八十一所真卿爲天下放生池銘上之碑以大曆九年正月立

唐乞御書放生池碑額表碑陰記

顏真卿撰并書初肅宗旣許書額未及下而真卿貶碑不果立至大曆中爲湖州刺史始追建於州之駱馳橋東集批答御書字以爲額又敘其事於批答碑

陰以大曆九年立

唐乞御書放生池碑額表

表顏真卿書批答肅宗御書表以上元元年上真卿時爲刑部尙書碑以大曆九年立

唐湖州石柱記

碑字殘缺不見年月及書撰人名氏驗其字畫顏真卿書也凡湖州諸縣皆記其山川前古陵墓

唐郝玉碑

吏部侍郎楊炎撰前梁州都督府長史翰林待詔韓秀實八分書玉太原厭次人官至河西隴右副元帥封安邊郡王碑以大曆九年立

唐釋迦像記

滑州節度判官豆盧道撰不著書人名氏渭北節度

使碑不著名修華原攝度寺立釋迦像之記也碑不著所

立年月而稱唐九葉寶應皇帝又稱唐三甲子甲寅

歲則當在代宗之大曆九年唐興一百五十七年矣

碑在華原縣

唐歐陽珪碑

顏真卿撰并書珪字珪渤海人官至商州刺史武關

防禦使去官不仕而終大曆十年十月立

唐李光進碑

戶部尚書楊炎撰梁州司馬韓秀實八分書光進字

大應光弼之弟官至刑部尚書封武威郡王碑以大

曆十年立在富平縣

唐甘棠館記

壽安尉蕭昕撰大理評事史鎬八分書盧璟篆額甘

棠館者前壽安令李公字退思所立此碑大曆十一

年縣令李總建又有重刻碑記貞元八年縣令李詞

撰往還此館題名者十六人附於後

唐射堂記

顏真卿撰并書碑石缺譌文理斷續其事迹不可攷

大曆十二年四月立

唐項王碑陰述

顏真卿爲湖州刺史重建項羽廟舊碑以大曆七年

五月刻記於碑陰

案魯公年譜碑書於十二年五月此作七年誤

唐元靖先生碑

湖州刺史顏真卿撰并書先生名含光廣陵江都人本姓宏避孝敬皇帝諱改爲李氏元宗師事之加號元靖先生詔居茅山碑以大曆十二年五月立

唐李抱玉碑

中書侍郎平章事楊綰奉勅撰刑部尙書顏真卿奉勅書抱玉河西武威人本姓安後姓李氏肅宗所賜也初名重璋後名抱玉元宗所改也代宗時終於河西隴右副元帥同平章事封涼國公贈太保諡曰昭

武碑以大曆十二年五月立

唐杜濟墓誌

刑部尙書顏真卿撰書亦類真卿而不著名濟字應物京兆杜陵人官至梓州刺史碑以大曆十二年十一月立

唐靈巖瀑布記

前濮州別駕康仲熊撰不著書人名氏碑以大曆十二年刻

唐立漢董黯孝行碑

明州刺史左殷撰前吏部侍郎集賢院學士徐浩書孝子後漢人字叔達句章人也和帝時殺其鄉人以

報親讎召拜郎中不受殷爲刺史葺其祠宇以大曆十三年二月立此碑

唐霍國夫人王氏碑

中書侍郎平章事楊綰撰右散騎常侍蕭昕書夫人姓王氏郭子儀之妻碑以大曆十三年立

唐王師乾碑

中書侍郎平章事楊綰撰大理司直張從申書師乾字修然瑯琊臨沂人官至諫議大夫廬循道三州刺史碑以大曆十三年立在句容縣

唐立吳季子墓碑

篆書凡十字曰烏乎有吳延陵季子之墓據張從申記以爲孔子書碑已堙埋元宗命殷仲容摹搨大曆十四年潤州刺史蕭定重刻於石

唐馬璘新廟碑

程浩撰顏真卿書璘岐州扶風人官至左僕射封扶風郡王贈司徒諡曰武碑以大曆十四年七月立

唐張敬因碑

顏真卿撰并書敬因南陽西鄂人子巨濟爲淮西節度使追贈敬因和州刺史碑以大曆十四年立此碑埋沒已久慶曆初縣民耕出之遠近聞者爭往摹搨村民厭苦其擾遂擊碎之今在者數段耳人猶模之故其文不完真卿官爵及立碑年月則皆亡矣

唐景陽井欄記

潤州上元主簿張著撰無書人名氏并刻石年月唐案

有右衛兵曹張著大厯間人見顏真卿杼山記當即其人

唐顏勤禮碑

勤禮曾孫魯郡公真卿撰并書其先為瑯琊臨沂人

顯慶中終於夔州都督府長史碑內立石年月皆亡

案集古錄大厯十四年立

唐元結碑

湖州刺史顏真卿撰并書結字次山官至容州都督

本管經略使碑以大厯中立在魯山縣

唐遷建吳季子墓碑記

建中元年丹陽令盧國立在季子廟

唐顏惟貞家廟碑

吏部尚書顏真卿撰并書集賢院學士李陽冰篆額

真卿自敘家世銘於其父薛王友惟貞之廟碑以建

中元年七月立

唐三藏和尚不空碑

御史大夫嚴郢撰彭王傅徐浩書不空西域人居長

安興善寺自元宗以來謂之灌頂國師持加開府儀

同三司肅國公賜號大廣智三藏追贈司空加號大

辯正廣智三藏碑以建中二年十一月立

唐復鄆縣記

中書舍人于邵撰祠部員外郎侍御史張瓌八分書并篆額代宗之初吐蕃數寇京輔使李抱玉屯兵備之其裨將何德願以陳鄭兵屯鄆縣長吏寄寓佛寺德宗卽位詔德願移屯鳳翔復鄆縣如故碑以建中二年立

唐王密德政碑

浙東觀察判官李舟撰太子少師顏真卿書國子監丞李陽冰篆額密自明州移爲湖州刺史州人潘瀾阮津等請立遺愛碑以建中二年十月立并勅書同刻勅徐浩所書也

唐元德秀墓碣

監察御史李華撰太子太師顏真卿書集賢院學士李陽冰篆額德秀字紫芝河南人爲魯山令碑以建中四年秋立

唐海濤志

海濤志濤厯濤日時濤期朔望體象春秋仲月漲濤解凡六篇唐竇叔蒙撰其說以月朧候濤汝之進退并竇氏濤日時疏一篇越州刺史孟簡撰缺姓書朱巨川題額不著刻石年月

唐咸宜公主碑

鄜坊節度掌書記武元衡撰蘇州常熟令袁中孚書將作少監集賢院學士李陽冰撰額公主元宗之弟

十八女降祕書監崔嵩碑以興元元年立

唐汾陽王廟碑

中書舍人高參撰右威衛倉曹參軍張誼書汾靈節
度使韓游環請爲子儀立廟於汾州碑以貞元二年
七月立

唐韋澳遺愛頌

監察御史鄭士林撰前進士胡證八分書澳字又元
京兆杜陵人嘗爲夏縣令此碑縣人所立以貞元二
年八月刻

唐鄭播謁孔子廟題名

貞元三年播爲丹陽令題

唐說文字源

義成軍節度使賈耽撰敘前揚府戶曹參軍徐壽書
祕書少監李陽冰重修漢許慎說文字源陽冰從子
檢校祠部員外郎騰篆凡五百四十字碑以貞元五
年十月立

唐張常洵孝行碑并門閭勅旌表碣贊

貞元五年旌表張常洵門閭勅一道并紀孝行碑前
許昌主簿高宇撰旌表碣贊句容主簿承瓌撰皆同
時刻不著書人名氏常洵字巨川句容人居父喪廬
墓過期有芝草生墳上故見旌表

詳孰是

案集古錄作貞觀五年此作貞元未

唐茶山詩并詩述

湖州刺史袁高撰前滁州長史徐璿書湖州之顧渚山歲修茶貢高爲刺史感其採製之勤而作是詩其後于頔爲刺史得之於壞垣爲之敘而刻之貞元七年立

唐賀蘭夫人墓誌

兵部尙書陸贄撰據碑前書姪曾孫贄其下字缺不完疑是贄所書也夫人河南人祕書監陸齊望之妻封滎陽縣君碑以貞元七年立

唐王初墓誌

河南主簿馬幼昌撰通王府諮議陰冬曦書初字泰

初新豐人官潁州別駕碑以貞元八年立

唐辨正禪師塔銘

太僕少卿鄭叔規撰汜水令徐峴書并篆額禪師名崇一姓任氏濟源人元宗時詔舉天下高僧四十九人分主諸寺禪師居東郡天宮寺後移居善興寺代宗親書篆額曰法寶嚴持院德宗時賜諡辨正碑以貞元十年立在龍門縣

唐軒轅鑄鼎原銘

虢州刺史王顏撰華州刺史袁滋繕書鑄鼎原者軒轅皇帝鑄鼎之所碑以貞元十一年正月立

唐濟瀆廟祭器銘

濟源令張洪撰八分書不著名氏濟源有北海祠壇故四時祠祀必取祭器於河南沉幣雙舫亦以沁河渡口船爲之往返勞弊是時大風拔木洪因取以爲祭器雙舫及雜用之物碑以貞元十三年立

唐僧道源發願文

前恆冀等州觀察判官王洽撰試金吾缺一曹參軍王承規集王羲之書并篆額道源恆州開元寺僧也常發願禮大佛名及誦藏經成德軍步軍使王士良等爲刻此碑貞元十四年正月立

唐修昆明池堰記

京兆尹韓皋撰京兆府法曹參軍徐瓊書德宗貞元

十三年詔除昆明池稅許民漁釣以皋爲使截交河立堰引澧水注之於池復漢故迹以貞元十四年刻此銘

唐賜李鍊師詩詔

道士任良友書鍊師名舍光號元靖先生元宗所賜詩凡三首詔勅十道鍊師所上表并答詔十五件貞元十四年道士包無際等刻石在茅山

唐董晉碑

中書舍人權德輿撰皇太子侍書殿中丞王丕書晉字渾成河東虞鄉人官至宣武軍節度使碑以貞元十五年立

唐重立王粲石井欄記

上元二年來瑱移石欄於州治立石作記貞元十七年于頔爲節度使又爲之記掌書記胡證八分書後又題記頔進封燕國公事隨軍屈賁書是年六月立唐復陽武縣記

唐衢撰鄭乃中八分書據記陽武縣圯毀二十五年官吏寓於佛寺貞元十五年縣令陶鎰修復之後令李倫以十九年立此碑

唐鍾山林下集敘

處土石洪撰敘桂府觀察判官張譚諸暨尉盧建上元尉盧少連詩共三首皆洪書爲鍾山僧總悟所作也以貞元二十年十二月立

唐楚金禪師碑

紫閣山草堂寺沙門飛錫撰翰林學士吳通微書楚金姓程氏長安僧天寶中建多寶塔於千福寺元宗夢聞其事而異之德宗時中人竇文場言楚金其師也爲請諡乃諡曰大圓碑以貞元二十一年七月立唐會稽山神祠堂碣

試左威衛兵曹參軍羊士諤撰試太子正字韓攄材書韓芳明篆額唐封南鎮會稽山神爲永興公貞元間奉詔禱祠作此銘無刻石年月

唐符元亮碑

不著書撰人名氏其字畫則柳公權書也元亮字也
闕其名官至左神策軍將軍贈越州都督碑以貞元
中立

唐甘棠館題名

唐人題名始終貞元大中之間自司勳員外郎薛存
誠至東都留守韋夏卿凡數十人

唐寶花寺碑

殿中侍御史鄒儒立撰蘇州刺史于頔書祕書監陸
齊望有女爲尼曰法興齊望捨宅爲寺以居之子渭
等以永貞二年正月造寺成立此碑

唐禱聰明山記

洛州刺史盧頊撰不著書人名氏昭義軍節度使盧
從史禱於聰明山祠作此記從吏并官屬題名於後
以元和二年七月立

唐復黃陂記

前鄉貢進士侯喜撰不著書人名氏汝州有三十六
陂黃陂爲最大自隋始築至唐開元中數復廢決貞
元十八年刺史盧虔築而復之碑以元和三年立

唐韓文公題名

都官員外郎韓愈元和四年題

案集古錄云退之題
名有二皆在洛陽一

在嵩山天封宮石柱
上一在福先寺塔下

唐京河水門記

祕書省校書郎直史館韋處厚撰處士唐衢八分書
鄭州刺史李少和引京水注於管城之北爲石門以
節其出入元和五年正月立此碑

唐謁北嶽廟記

元和五年河東節度使范希朝討鎮州過北嶽廟題
記

唐杜佑郊居記

太常卿權德輿撰正書不著名氏元和五年八月立
唐王處士引水記

大理卿武少儀撰與郊居記皆一體書無書人名氏
杜佑有池泉在長安杜曲處士王易簡爲佑鑿石引

泉爲瀑水碑以元和五年立

唐杜佑賓佐記

司徒平章事杜佑撰不著書人名氏所記前後賓佐
其首曰今相國中書侍郎趙國公者李吉甫也其餘
凡八十餘人碑以元和間立

唐神女廟詩

荆南節度判官敬騫撰試左金吾衛兵曹參軍沈幼
直書元和五年十二月刻在巫山縣

又

夔州刺史邱元素詩一首無刻石年月

唐立晉衛伯玉遺愛碑

伯玉裔孫唐陝國觀察使次山撰河中節度使張宏
靖書伯玉河東安邑人晉惠帝初以太保錄尚書事
爲楚王瑋所殺碑以元和六年立在安邑縣

唐陽公舊隱碣

刑部郎中胡證撰夏縣令黎煇書縣人李靈省篆額

陽公佚其名證其門人也無所立年月在夏縣

案訪碑錄

元和六年立

唐昭懿公主碑

諫議大夫孟簡撰權知吏部郎中皇甫鏞書公主代
宗之女諱昇平字昇平下嫁左散騎常侍郭曖號昇
平大長公主追贈號國諡曰昭懿碑以元和六年立

唐房瑄碑陰記

石洪撰兵部郎中鄭權書房瑄有遺愛碑在濟源元
和六年瑄從祖子式以河南尹奉詔祠濟源洪等刻
此記於碑陰

唐田宏正家廟碑

比部郎中史館修撰韓愈撰諫議大夫胡證八分書
并篆額憲宗時魏博節度使田宏正始以六州歸於
朝廷詔追贈其父母立廟祭三世勅愈爲之記碑以
元和八年十一月立

唐樊澤遺愛頌

中書舍人平章事李絳撰太子少保鄭餘慶書襄州

刺史山南東道節度使袁滋篆額滋鎮山南言故貞
元中節度使樊澤在州有善政請立遺愛碑絳奉勅
撰澤字安時南陽人終於荆南節度使諡曰成碑以
元和八年十二月立

唐濟祠亭記并詩

濟源有三淵當祠下俗謂之海前令房琯立亭於北
海上以爲祠神之所元和九年縣令李朝陽廣其制
度作記并詩記朝陽之子蟠撰詩朝陽撰裴潏書鄭
冠篆額

唐修下泊宮記

浙西觀察判官王師簡撰道士任參元書下泊故茅
君宅也在三茅山下浙西觀察使薛平修以爲宮并
立三茅君像以元和九年立此碑

唐禹廟詩

浙東觀察使越州刺史薛平詩不著書人名氏平初
至鎮易禹廟金紫服以冠冕後因祈雨作此詩其和
者鹽鐵轉運使崔述等凡十七首

唐胥山銘

杭州刺史盧元輔撰錢塘令王通書山有伍子胥廟
故以爲名碑以元和十年十一月立

唐石洞谷記

元傑撰不著書人名氏濱陽縣果業寺之東有石洞

谷嘗有方士學道於其中其石座丹竈猶存歲久荒廢無復有迹傑與寺僧智捷復開其路以元和十一年立此記

唐子頤先廟記

禮部尚書同中書門下平章事權德輿撰兵部侍郎歸登八分書并篆額頤位至司空平章事以品得立廟祠其高祖鄭令威德以下爲四室碑以元和十一年立

唐遊善權寺詩

義興主簿羊士諤撰士諤門人李飛書碑以元和十三年刻

唐百巖大師碑

興元尹山南西道節度使權德輿撰尚書右僕射鄭餘慶書大師名懷暉嘗居太行百巖寺因以爲號碑以元和十三年立

唐南海廣利王廟碑

袁州刺史韓愈撰循州刺史陳諫書并篆額元和十二年廣州刺史孔戣重修南海神祠以十五年十月立此碑在南海廟中

唐大顛禪師壁記

大顛名寶通壁記歷敘其所居并退之請大顛三書皆國初重刻無書人名氏

集古錄目卷四終

集古錄目卷五

槐廬叢書

宋廬陵歐陽棨叔弼撰 吳縣朱記榮重校刊

唐羅池神廟碑

吏部侍郎韓愈撰中書舍人沈傳師書柳州刺史柳宗元死而爲神州人立廟於羅池碑以長慶元年正月立

唐濟祠西海新亭記

房瑄立亭於北海上李朝陽爲之記而西海之地故爲民家所有縣令王源迴取之以立此亭鳳翔節度使推官侯雲章撰記濟源令章行質書鄭冠篆額碑以長慶二年立

唐胡珣碑

潮州刺史韓愈撰左金吾衛大將軍胡證八分書并篆額珣字潤溥貝州宗城人官至少府監碑以長慶三年四月立在蒲城縣

唐崔能碑

兵部侍郎李宗閔撰能弟檢校吏部尚書判東都尚書省從書戶部尚書胡證篆額能字子才清河東武城人官至嶺南節度觀察使贈禮部尚書碑以長慶三年立

唐遊茅山題記

刑部尚書崔元亮長慶三年遊山題記

唐韋綬碑

中書侍郎平章事牛僧孺撰給事中子敖書綬字子章京兆人官至山南西道節度使碑以長慶三年立

唐張九齡碑

廣州刺史嶺南節度使徐浩撰并書九齡字子壽一字博物韶州曲江人開元中官至中書令罷為尚書右丞相貶荊州長史諡曰文獻碑以大曆中書長慶三年刻石

唐張九皋碑

工部尚書蕭昕撰九皋孫曹州刺史仲方書九皋范陽人案唐書宰相世系表九皋曲江相國九齡弟始興張氏范陽其祖籍也官至殿中

監碑以長慶三年立

唐石室題名

端州司馬李緯長慶四年遊石室題

唐田布碑

陝州都督府長史陝虢觀察史庾承宣撰前鄉貢進士呂價書布字敦禮官至魏博節度使碑以長慶四年立

唐烏承玘碑

左散騎常侍河南尹許孟容撰魏博節度副使胡證八分書并篆額承玘字德潤張掖人官至右領軍使冠軍將軍此碑不完纔有其半不見所立年月

唐隱山六洞記

都防禦判官侍御史內供奉吳武陵撰防禦衙推韓方明八分書并篆額李渤游於桂州之西山其溪谷潭洞皆人所未嘗至者遂名之曰隱山構亭榭於其上以寶曆元年八月立此記

唐鄭權碑

陝州都督府長史庾承宣撰萬年令姚向書權字復道滎陽人官至嶺南節度使碑以寶曆二年立

唐崇元聖祖院碑

常州刺史賈餗撰前陳州參軍徐挺古八分書敬宗卽位詔天下求有道之士李德裕爲浙西觀察使以

道士周息元薦於朝爲建此院勅賜號崇元聖祖院
碑以寶曆二年立在茅山

唐茅山三像記

八分書與崇元聖祖院記一體書李德裕旣建聖祖
院并立元元皇帝孔子尹喜三像援引傳記事迹作
此記以寶曆二年刻

唐三茅山記

不著書撰名氏備記三茅山四面所至地里遠近

唐玉蘂花唱和詩

潤州刺史李德裕洪州刺史沈傳師贈答玉蘂花詩

二首皆傳師詩

案德裕知潤州傳師知洪州皆在敬宗時

唐石鐘山記

李渤撰不著書人名氏彭蠡湖之口有石鐘山酈道
元注水經以爲水石相薄爲鐘音因以得名渤游山
中見有臥石叩之其鳴如鐘土人曰此石鐘也故爲
此記以辨之渤字潛之時隱居白鹿洞稱白鹿先生
後官至桂管觀察使大和元年故吏吳文幹刻石在
湖口鎮

唐烏承允碑

司徒平章事裴度撰山南東道節度使竇易直書重
允字保君京兆人官至天平橫海等軍節度使司徒
平章事碑以大和二年四月立

唐崔羣先廟碑

武昌軍節度使牛僧孺撰起居郎劉寬夫八分書并篆額憲宗元和十四年羣爲中書侍郎平章事詔立廟於京師崇業里追贈其父金部郎中稹爲左僕射及其祖懷州刺史朝曾祖壽州刺史湛爲三室廟旣成詔以羊豕助奠太常出博士佐禮至文宗大和二年八月立此碑

唐司馬子微溪記

王屋令崔運撰道士張宏明書大和三年刻在王屋縣

唐陸洿茅山題名

洿官右補闕自稱麋鹿臣篆書大和三年題

唐司馬子微坐忘論

白雲先生撰道士張宏明書大和三年女道士柳凝然趙景元刻石并凝然所爲銘同刻後又有篆書曰盧仝高常嚴固元和五年凡十字碑在王屋縣

唐薛平家廟碑

左散騎常侍集賢院學士馮宿撰給事中裴璘書河中節度使薛平增修其家廟以大和三年立此碑在夏縣

唐令狐楚先廟碑

禮部郎中集賢院學士劉禹錫撰并書楚爲宣武軍

節度使始立家廟於京師通濟里碑以大和三年立
唐百巖大師靈塔碑

汴州刺史宣武節度副大使令狐楚撰吏部尚書鄭
網書大師以元和中詔至京師章敬寺長慶初楚請
賜諡及塔名曰宣教碑以大和三年立

唐王播碑

中書侍郎平章事李宗閔撰翰林學士承旨柳公權
書播字明敷太原人位至左僕射同平章事贈太尉
碑以大和四年正月立

唐修桐柏宮碑

浙東團練觀察使越州刺史元稹撰并書台州刺史

缺姓篆額宮以景雲中建道士徐靈府等重葺碑以

大和四年四月立

唐李藏用碑

禮部侍郎翰林學士王源中撰翰林侍詔唐元度篆
額元度弟元序集王羲之書藏用宦者也字師貞隴
西成紀人官至冠軍大將軍左威衛大將軍知內侍
省隴西郡開國公碑以大和四年五月立

唐李愬碑

中書舍人李紆撰淇州刺史沈傳師書商州防禦隨
軍儲或篆額愬隴西成紀人官至禮部尚書東都留
守安祿山叛攻東都城陷死之追贈太尉諡曰忠懿

碑以大厯四年立案李紆爲中書舍人在大厯間沈
傳師爲洪州刺史在大和初蓋先
撰而後書也金石錄謂文宗時
立是也此云大厯當作大和

唐謁華嶽廟詩

賈竦撰并書大和六年竦從子珣刻

唐六譯金剛經

右威衛上將軍知內侍省楊承和刪集楊翽撰敘初
承和以八分書寫經刻於上都興唐寺文宗詔取其
本使待詔唐元度集王羲之書翰林學士鄭覃等六
人爲贊刻石以大和六年春立

唐昇元劉先生碑

刑部侍郎馮宿撰右司郎中柳公權書翰林待詔唐

元度篆額先生名從政河南緱氏人居東都元真宮
敬宗師事之加檢校光祿大夫及昇元先生之號碑
以大和七年四月立碑有二一在東都一在長安

唐高瑀碑

司徒侍中東都留守裴度撰河南尹鄭澣書瑀字乾
亮渤海隋人官至忠武軍節度使贈司空碑以大和
八年立

唐法華寺詩

越州刺史李紳撰徐浩書大和八年刻

唐令長新誠

元宗御製大和九年舞陽令李易簡建鄭宗冉書此

本無元宗勅書而別有勅語乃當時召新除令長賜食於朝堂而遣之丁寧慰勉之言也

唐陰符經敘

刑部尙書鄭澣撰敘翰林學士柳公權書內供奉道士孫文杲刻以開成二年七月立在西京范雍家經已殘缺所存者數十字

唐柳尊師墓誌

翰林學士諫議大夫柳公權撰并書尊師名處幽河東虞鄉人公權弟也碑以開成二年立在華原縣

唐照公塔碑

太子少傅分司東都白居易撰劉禹錫爲祕書監分司東都時書照公名神照姓張氏蜀州青城人居東都奉國寺碑以開成三年立

唐元錫碑

中書侍郎平章事李宗閔撰翰林學士承旨工部侍郎柳公權書錫字君貺河南人代王什翼犍十四世孫官至淄王傅贈尙書右僕射碑以開成四年七月立

唐重模千祿字書

開成四年湖州刺史楊漢公以舊本譌缺重模刻石并爲記附於碑後今其本比顏魯公所刻差完可以備用

唐李有裕碑

中書舍人李景讓撰工部侍郎知制誥柳公權書有裕字綽夫幽州北平人官至衛尉卿碑以開成四年立

唐何進滔德政碑

翰林承旨兼侍書工部侍郎柳公權撰并書翰林待詔梁王府司馬唐元度篆額進滔爲魏博節度使文宗詔公權等爲撰德政碑以開成五年正月立有碑樓尙存

案金石錄云在今河北都轉運使公廨園中

唐修秦文公廟碑

前夏州等節度掌書記李伉撰并書篆額坊州之南

有秦故鄜時祠秦文公夢龍自天而下屬於地立祠以時之世久相傳謂之衙龍神刺史崔駢改其廟像以爲文公祠開成五年立此碑

唐平泉草木記并山居詩

李德裕撰平泉者德裕山居之所也其中多置四方奇草異木名花怪石因總爲之記其在平泉及歷守宜春金陵至於爲相有平泉詩凡六十七首同以刻石皆隸書又有臨池禡記凡數十字篆書皆不著名氏

唐唐元度十體詩

翰林待詔沔王友唐元度書凡古文大篆八分小篆

飛白倒薤散隸懸針鳥書垂露十體并各敘其所起
刻石有二一在故相宋公家一在太常少卿李丕緒
家同出一本而傳摹小異

唐立王粲石井欄別記

會昌二年節度使盧鈞復理粲舊井別作新石欄而
記之前武功尉李掖書在襄陽縣

唐左神策軍紀聖德碑

翰林學士承旨崔鉉撰散騎常侍集賢殿學士柳公
權書集賢直院徐方平篆額武宗常幸神策軍勞策
軍士兼統三軍上將軍仇士良請爲碑以紀聖德鉉
等奉勅書撰碑以會昌三年立

唐李德裕詩刻

李德裕遙傷孫尊師詩三首寄題黃先生舊館詩一
首試祕書省校書郎裴方質八分書德裕時爲司空
平章事以會昌三年刻

唐都督府記

夔州刺史李貽孫撰繆師愈書其記州之城壘祠宇
古迹甚備碑以會昌五年十二月立

唐投龍記

會昌五年內出修金籙齋詞一告瀝口雲臺等詔詞
一帝自稱承道繼元昭明三光弟子南嶽炎上真人
其詞皆劔南節度衙推趙圓書不著所刻年月

唐司空廟殿記

據碑司空漢光武時人二十三世孫唐杭州臨安令
有則易其廟之故殿立此碑從孫重厚撰族人文察
書而皆不著姓當光武時為司空者非一人而有則
於唐亦不顯不知其為何人也有則自稱宗長又有
宗副都枝長宗正宗錄都孔目廟祝衡陽侍郎等諸
枝長孔目及職司題名者數十人皆其族人也碑以
會昌六年八月立在溧陽縣

唐李石碑

東都留守李德裕撰工部侍郎柳公權書碑文殘缺
名字皆不可見考其世系事迹知為李石碑也石字

中玉宗室宰相封涼國公碑以大中初年立在河陰

縣

案金石錄作會昌六年八月立

唐商於驛路碑

翰林學士承旨韋琮撰太子賓客柳公權書祕書省
校書李商隱篆額商州刺史呂公碑不著名移建州之新
驛碑以大中元年正月立

唐王起碑

戶部尚書平章事李回撰太子少師柳公權書并篆
額起字舉之太原人官至山南西道節度使同中書
門下平章事贈太師碑以大中元年四月立在三原
縣

唐牛僧孺碑

河陽三城節度使李珣撰右散騎常侍柳公權書并篆額僧孺字思黯隴西狄道人歷相穆敬文三宗武宗朝自山南東道節度使貶爲循州長史宣宗初終於太子少師分司東都碑以大中二年十月立

唐張仁憲碑

幽州節度掌書記李儉撰節度參軍蔡陵八分書并篆額仁憲字仁憲官至太子中允其孫仲武爲盧龍節度使追贈仁憲爲工部尚書碑以大中二年立在文安縣

唐新興寺碑

歙縣刺史盧肇撰并書越州刺史楊巖篆額寺在宣州宣宗初立悉復武宗所毀佛寺刺史裴休修之而立此碑以大中二年立

唐寓居石表記

陝府芮城尉馮禮與書隋大業中高祖寓居芮城之至德鄉大和三年縣令高元謦立此碑在南陽縣

唐吳大帝廟階記

河陽三城節度團練衙推石湘撰不著書人名氏永安主簿周知素重修大帝廟階以大中六年立此記唐韋正貫碑

翰林學士中書舍人蕭鄴撰左散騎常侍柳公權書

正貫字公理京兆杜陵人官至嶺南節度使碑以大
中七年立

唐康約言碑

左散騎常侍柳公權撰并書約言宦者也字寡辭貝
州人官至河東監軍使內侍省內謁者監贈內常侍
碑以大中七年二月立

唐刻隋陳果仁告身并捨宅造寺疏敘

隋大業十一年司徒陳果仁爲朝請大夫告身并果
仁妻軫靜緣捨宅造寺疏同刻皆無書人名氏捨宅
疏稱明政二年者李子通年號也

案金石錄云俞珣述并書大中八年

五月立

唐睿宗賜白雲先生書

賜白雲先生勅三元宗勅并送別詩各一陽臺宮畫
壁奏狀并答勅乾元元年禁山廟採樵勅三大中八
年王屋主簿韓抗書以刻石

唐寶稱律師塔碑

祕書丞史館修撰劉軻撰江州司戶參軍陳去疾書
前振武軍節度參謀李庭彥篆額律師江南講僧也
名智滿陶靖節之九世孫始出家於寶稱寺故以爲
號碑以開成四年立大中八年重建在廬山

唐元魯山琴臺記

汝州魯山令宋整撰不著書人名氏琴臺者故縣令

元德秀之所立整葺其頽毀以大中八年正月立此
記在魯山縣

唐崔從碑

翰林學士蔣伸撰權知太子少傅柳公權書從字子
義清河東武城人官至淮南節度副大使贈司空諡
曰貞碑以大中八年立

唐杜佑莊居記

司徒平章事杜佑撰佑孫愉書初佑有莊於杜曲處
士王易簡爲之營治以元和七年作此記大中十一
年愉重書而刻之

唐定慧禪師傳法碑

中書侍郎兼戶部尙書平章事裴休撰并書工部尙
書柳公權篆額禪師姓何氏名宗密果州西充人居
圭峯山宣宗追諡曰定慧碑以大中九年正月立

唐五夫人堂記

邠寧節度使畢誠撰不著書人名氏據記郭令公五
夫人堂以大厯五年立然不知所謂五夫人者爲何
神也大中九年刻此記

唐鹽宗神祠記

太子右庶子支度安邑解縣兩池權鹽使錢義方撰
試左武衛兵曹參軍盛濤八分書神祠故名鹽宗其
後又有靈慶祠而主吏不復親往祠宇隳廢義方重

營葺之此記以大中十年立

唐閩遷新社記

攝館驛巡官前進士濮陽宁撰八分書不著名氏福

州刺史楊君

碑不著名按集古錄以為名發

改立新社稷風雨壇遂

記其壇壝室宇之制碑以大中十一年十一月立

唐復東林寺碑

湖南觀察使潭州刺史崔黯撰散騎常侍柳公權書

寺在江州先被廢至宣宗時復立碑以大中十一年

四月立

唐福先寺題名

河陽三城節度使韋澳大中十二年題

唐佛牙寶塔碑

忠武軍節度判官監察御史內供奉孫朴撰檢校太

子賓客濮王府司馬王君平書高宗儀鳳中始建崇

聖寺於京師武宗廢佛法寺亦被毀宣宗初復以太

平坊之溫國寺為崇聖寺崇聖舊寺所藏佛牙者顯

慶中沙門道宣得之於神人至此建塔以奉之碑無

所立年月

唐戒珠寺記

衢州刺史趙璘撰貝靈該八分書寺以會昌中被廢

宣宗時復建碑以咸通元年六月立

唐磻溪廟碑并詩二

監察御史張翔撰并後敘右驍衛將軍兼侍御史高
駢書磻溪詩二首其一京兆府渭南尉鄭誠撰其一
前進士潘緯撰皆駢書初翔以大厯中作銘駢以咸
通二年刻

唐白敏中碑

中書侍郎平章事畢誠撰中書舍人王鐸書敏中字
用晦太原人厯相宣宗懿宗以太傅致仕贈太尉碑
以咸通三年立在下邳縣

唐尊勝紀陀羅尼經幢

于僧翰八分書咸通五年譙郡夏穆建

唐裴休碑

宣武節度副大使鄭處誨撰右散騎常侍韓琮書休
字公美河東聞喜人官至太子太師碑以咸通八年
立

唐華中允墓誌

碑石磨滅書撰人及中允名皆亡咸通八年刻

唐沈公夫人馮氏墓誌

前天平軍節度副使羅洙撰前左威衛兵曹參軍李
昌辭書夫人姓馮氏名靖冀州長樂人適吏部尙書
沈傳師以其子詢故封至齊國太夫人碑以咸通九
年立

唐高宏碑

河東節度使鄭從讜撰右監議大夫張鐸書宏字大
受渤海人官至振武麟勝等州節度使碑以咸通十
一年立

唐社稷壇記

容管經略推官皮日休撰國子監書學博士裴光遠
八分書山南東道節度使裴坦新修州之社稷壇以
咸通十二年刻此記

唐孔岑父碑

太子少傅鄭絀撰前大理少卿柳知微書岑父字次
翁魯國鄒人官至著作佐郎子幾戢皆顯貴贈岑父
司空碑以咸通十二年立在河陰縣

唐僧迦殿記

不著書人名氏殿潘昉等所立并題名數十人碑以
咸通七年立

唐普照大師碑

給事中張同撰禮部侍郎崔厚書大師名智慧輪姓
丁氏京兆杜陵人善西域咒法咸通中賜號遍覺大
師所居曰大教注頂院僖宗初謚曰普照塔曰彰化
碑以乾符四年立

唐立漢劉表廟碑

陵州刺史劉權撰并書表字景昇山陽高平人後漢
末爲荊州牧唐僖宗時山南東道節度使劉巨容常

夢見之故爲立廟巨容自稱爲表裔孫碑以廣明二
年立

前碑陰

碑陰劉巨容題記書與碑同巨容旣立廟因於墓側
構水亭爲遊宴之所復記表僚屬蒯越韓嵩等及蜀
先主在荊州事迹末有表所作山道口亭銘

唐杜鵑花唱和詩

張濬及嶺南節度使劉崇龜唱和杜鵑花詩二首前
監察御史張巖書乾寧二年刻

唐張龍公廟碑

澶人趙耕撰不著書人名氏龍公名路斯與妻子言

已與蓼人鄭祥遠皆龍也吾與之戰令諸子助戰以
綃繫鬣爲別祥遠敗死公與九子皆化爲龍土人爲
之立廟潁川刺史王敬堯又增大之碑以乾寧元年
立在潁上縣百社村

唐英州南巖亭記并到難篇

李蕃撰不著書人名氏滇陽縣南山巖上有石室縣
令侯著因之以立亭故以爲名河南府

下缺

唐東溪亭詩

劍州節度行軍司馬任侗撰敘并詩監軍使程山望
等和者九人無書人名氏及刻石年月

唐尊勝陀羅尼經幢

在今潤州墨寶亭中雲陽野夫王奐之書字畫頗爲世所重故錄之以備廣採

瘞鶴銘

稱華陽真逸撰不著名氏不知其何時人潤州圖經以爲王羲之書銘刻於焦山之足常沒水中人候水落時模之不過得其數字此本凡七十字最爲多也

案金石錄附唐末

觀音寺古篆

無書人名氏凡十字如篆籀其文非字書所有在福州永泰縣觀音院後山上如以手指畫石而爲之非人迹也

楊凝式題名并詩

不著年月凝式爲太子賓客又其一稱歲在癸丑者周廣順三年也又有詩二首凝式時爲太子少師按凝式當晉天福初爲太子賓客其分司爲少師在漢乾祐中石在洛陽人家

南唐天王像記

不著書撰人名氏溧水人許儒造石天王像以昇元六年立此記

南唐般若心經

其後八分書題曰左千牛衛兵曹參軍王文秉刻字文秉南唐人善篆書此經字畫與文秉他所書相類

然不知何以但稱刻字也石在句容人家

南唐小篆千文

王文秉篆書建隆二年刻石在茅山

南唐紫陽宮石磬銘

張獻撰王文秉筆建隆二年刻石在句容人家


陰符經

皇朝郭忠恕小篆古文八分三體書乾德四年刻

唐大應記二

有二石其一唐元和七年睦州刺史李道古撰其一皇朝將作監丞知桐廬縣刁衍撰自唐顯慶至中和刺史一百一十五人皇朝太平興國中知州事二人

題名書皆別體不著名氏雍熙二年刻



集古錄目卷五終

